

## Cometen Predigt

schawen vnd zu vernemen habet / was für ein schön  
Thymiana, luffit, vnd Rauchwerck wir. Gott in Him- Psalms 90  
mel haben hinauff geschickt / denn vnser vuerkandte Sün-  
de stellet er ins liecht für seinem Angesicht. Vnd dann  
wie ein Comet / wann er hat außgebrennt einen ungehem-  
rem dampff / qualm / stanck / vnd geruch von sich wirfft:  
ebē wie ein außgebrandtes oder außgeblasenes liecht einen  
hefftigen stanck von der glüenden Schnupp giebt / vnd da-  
mit ein ganz gemach oder Stube inficirt oder mit stanck  
erfüllet / Vnd hernach fället auff die Menschen Kinder  
herunder auff Erden / daraus gros elend entlich entsiehet.  
Also gehet aus vnserm rauchwerck ein grewlicher gifti-  
ger tödtlicher qualm / stanck vnd dicke dampff vnd  
Wust / der wieder auß der höhe herab auff vnsern Kopff  
vnd scheidel gestürzet / auß welchen allerley plagen vber  
vns in der Welt / als zu vnserm verdienten Lohn entste-  
hen.

Also machets Gott der H E R R / vnd das erfolget  
gewiß / denn wil man sich nicht bekehren / so hat er sein  
Schwert gewezet / seinen Bogen gespannt gezielet / Psal. 7.  
vnd hat drauff gelegt tödtliche schöß / seine Pfeil hat er  
zugerichtet zum verderben / etc. Ja sein unglück wird  
auff seinen Kopff kommen / vnd sein freuel auff seinen  
scheidel fallen.

Dann 2. haben wir auch in Theologischer erwē-  
gung einen Cometen anzusehen wie ein Gnadenzeichen / 2.  
Signum  
gratie.  
also / das ob Gott der gerechte Gott wol hette satzame vr-  
sach vns wegen vnser Sünde baldt / eilend vnd geschwinde  
in τὰ ὄντα in puncto Mathematico εν αὐτῷ πορῶ auff fris-  
chem Fuß zu straffen / vnd dürfft nicht lange mit Zei-  
chen vnd wundern am Himmel drehen / vnd solches